

UDHËZIM
Nr. 5628, datë 18.11.2016

PËR MIRATIMIN E RRJETIT TË LINJAVE NDËRQYTETËSE

*(Ndryshuar me ►U1- Udhëzimin nr. 3917, datë 18.7.2017; ►U2 nr. 265, datë 5.12.2017;
►U3 -nr. 437, datë 9.5.2018 dhe ►U4 nr. 861, datë 13.12.2018)*

Në zbatim të nenit 102, pika 4, të Kushtetutës së Republikës së Shqipërisë, neneve 16 dhe 19, të ligjit nr. 8308, datë 18.3.1998, “Për transportet rrugore”, të ndryshuar,

UDHËZOJ:

Neni 1

Qëllimi dhe fusha e zbatimit

►U3-Qëllimi i këtij udhëzimi është miratimi i rrjetit të linjave ndërqytetëse (kryesore dhe ushqyese), i cili përfshin itineraret e udhëtimit, sipas aneksit 1 dhe aneksit 2, pjesë përbërëse e këtij udhëzimi. ◀

Neni 2

Përkufizime

Të gjithë termat e përcaktuar në nenin 3, të ligjit nr. 8308, datë 18.3.1998, “Për transportet rrugore”, të ndryshuar, kanë të njëjtin kuptim edhe në këtë udhëzim, ndërsa kur termat e mëposhtëm përdoren në tekstin e këtij udhëzimi, kanë kuptim si më poshtë:

“Itinerar udhëtimit” është rruga që duhet të ndjekë gjatë udhëtimit një autobus në një linjë ndërqytetëse.

“Linjë kryesore” është linja që lidh:

- a) një bashki qendër të një qarku me një bashki qendër të një qarku tjetër;
- b) një bashki qendër qarku me një bashki jo qendër qarku të një qarku tjetër ose dy bashki jo qendër qarku të qarqeve të ndryshme.

“Linjë ushqyese” është linja që lidh dy bashki brenda një qarku.

Neni 3

Itinerari i linjave

►U3-1. Linja ndërqytetëse përfshin pikën e nisjes (vendi i nisjes), itinerarin dhe pikën e mbërritjes (vendi i mbërritjes).

2. Transporti në linjat kryesore kryhet pa ndalime për hipjen apo zbritjen e udhëtarëve gjatë itinerarit të linjës.

3. Transporti në linjat ushqyese kryhet pa ndalime për hipjen apo zbritjen e udhëtarëve në stacione gjatë itinerarit të linjës, në përputhje me rrjetin e linjave.

4. Pika e nisjes (vendi i nisjes) dhe pika e mbërritjes (vendi i mbërritjes) është qyteti qendër bashkie dhe/ose qyteti që është në përbërje të bashkisë. ◀

Neni 4
Monitorimi

►U2 1. Ministria përgjegjëse për transportin, në bashkëpunim me Institutin e Transportit dhe organet e specializuara të kontrollit të transportit, të përcaktuara sipas kuadrit ligjor në fuqi, kryejnë në vazhdimësi monitorimin e zbatimit dhe funksionimit të rrjetit të linjave ndërqytetëse, sipas aneksit 1 të këtij udhëzimi”.

2. Në përfundim të monitorimit sipas pikës 1 të këtij neni, ministrit përgjegjës për transportin i paraqitet një raport, me propozimet përkatëse të arsyetuara për korrigjime ose modifikime të mundshme.

Neni 5
Vlefshmëria

1. Rrjeti i linjave sipas aneksit 1 dhe aneksit 2, të këtij udhëzimi, hyn në fuqi më 1 janar 2017.

►U1-2. Linjat ushqyese me distancë deri në 16 km dhe të përfshira në aneksin 2, të cilat lidhin bashkitë brenda të njëjtit qark, do të trajtohen nga bashkitë përkatëse. Organet e specializuara të kontrollit të transportit, në bashkëpunim me bashkitë, do të kryejnë në vazhdimësi monitorimin e zbatimit dhe funksionimit të këtyre linjave në përputhje me kuadrin ligjor në fuqi. ◀

Neni 6
Miratimi, heqja dhe ndryshimi

►U1-1. Ministri miraton shtimin, heqjen ose ndryshimin e linjave ndërqytetëse dhe numrit të orareve, në mbështetje të nevojave të lëvizjes së udhëtarëve për, në, ose nga bashkitë dhe destinacionet dimërore apo verore dhe qendrat historike, pas kërkesës së argumentuar të bashkisë përkatëse”. ◀(ndryshuar nga ►U3)

►U3-1. Ministri miraton shtimin, heqjen ose ndryshimin e linjave ndërqytetëse, në mbështetje të nevojave të lëvizjes së udhëtarëve për, në, ose nga bashkitë dhe destinacionet dimërore apo verore dhe qendrat historike, pas kërkesës së argumentuar të bashkisë përkatëse.

2. Komisionin Vlerësues, i miratuar me urdhër ministri, me përbërje nga drejtoria përgjegjëse e politikave të transportit, drejtoria përgjegjëse e licencimit dhe drejtoria përgjegjëse për çështjet juridike, bën shtimin dhe heqjen e numrit të orareve të linjave ndërqytetëse, në mbështetje të nevojave të lëvizjes së udhëtarëve, pas kërkesës së argumentuar të bashkisë përkatëse, si dhe kërkesës së subjektit të licencuar në linjën e rregullt ndërqytetëse. ◀

►U1- Neni 5

Licencat në transportin ndërqytetës të udhëtarëve, të lëshuara për linjat të cilat kanë pësuar ndryshime në numrin e orareve ose modifikim sipas aneksit 1 dhe 2 të këtij udhëzimi, do të lëshohen sipas këtij udhëzimi me të njëjtin afat vlefshmërie. ◀

Ky udhëzim hyn në fuqi me botimin në Fletoren Zyrtare.

Sokol Dervishaj